

g, g (C-Dur) (2 st. Jodel)

Refr. vor jeder Strophe

Chumm gib mir d'Hand hed
d'Mueter gseit und uf em Arm
mich u-me treit. So lang mis Härz
nu schlat i mier (*so dank ich*) dank
ich liebi Mueter dier.

Du hesch mir doch mis Läbe
gschänkt, zum Wohl vo mier a
alles dänkt; a alles dänkt. Viel
*Liebi und Geborgeheit hesch du i
mier is Härz ie gleit;* hesch du i
mier is Härz ie gleit.

Du hesch mich glehrt Vertraue
zha, der Wäg durs Läbe tapfer
zgha; durs Läbe zgha. *Es
Mueterhärz, en offni Hand; isch
Säge für nes ganzes Land;* isch
Säge für nes ganzes Land.

Sind dini Händ hüt müed und alt,
so gänd sie mier doch immer Halt,
sie gänd mier Halt. *Bisch nid
vergässe, nie e-lei, denn i mym
Härz bisch du de-hei;* ja i mym
Härz bisch du de-hei;

So dank ich liebi Mueter dier